

CESVS KLIST ESTOMEN

Paptisetv Mvhayet Emeu Vfastvte.

*THE MODE OF BAPTISM TAUGHT AND
PRACTICED BY JESUS CHRIST.*

BY

REV. R. M. LOUGHRIDGE, A. M.

REV. DAVID W. WINSLETT

AND

MR. J. H. LAND, INTERPRETERS.

MUSKOGEE, I. T.:
BY THE INDIAN JOURNAL STEAM JOB OFFICE.
1885.

Cesvs Klist Estomen Paptisetv Mvhayet Emeu Vfastyte.



Estomen pu Hesayecv kerkusen pu mvhayekat haks? Estomecet paptisvraneyat maketv etewolen poheyetos; este eme tehosket es-eten-rvpeko tetayen. Hiyomat, yv nake mahusat momecvtet omat kerkuecvrans.

Heren oh-kerkuecvtet omekv estomahe ometos; este em vkerrickv mv rahrvke oh hayvke tetayat: heren oh kerkuecvtetos; oh kerkuecat tvlkekot eme ma husat; momen paptisvtet os.

Hiyomat, heyvt mehenwvton omat, heyv omecece etenrvpkv ocat omvkv estofis fekhunekvs. Emekusapvlke emvrahrvke fullat omvkv tem vpiyecvkekvs. Estomen pu Hesayecv em mvhayet, vfasteton omat, mvt *fvtevt omes*, komvraneyet omekv. Cane Paptisvt homvn pu Hesayecv oh-onay-at esten paptisvres, makvtes.

Momekv estomén omvt haks? *Estofvn? Estomvn?* momet Estomen omvt haks? Elkvn er aenkvvvpikof en kerpvlken etehcet, momet hofunosekon ce paptishoykvres, kievtes: Heevs Aks. 1 : 5. "*Mehenwcn Cane newcn es paptiset omvtes; momis centuke tat, nettv sulke hoyonekon, Puyvfekev Vcakan es ce paptishoykvres.*"

Heyvn pu Hesayecv enkerrepvlke nettv vnvcomo-sekon ce paptishoykvres, kievtet os.

Cesvs Paptisvtes. Estomecet omvt haks? Estomen paptisvt haks? Momekv Hesaketvmeset estomet paptesvm omekvs komat kerretvn puyacen omvt; Klist mahusat estomecet enkerrepvlke Pentekast nettv omof paptisvt nomat kerrvrane-

yet omes. Yvt estofis nak vpohkv fek honnice tetayes. Heyv eskerretvt omvlkvn es enheratet, momet espoket omekv, Cane Paptisv matvpomen paptisvtet omekv. Mv ofvn okat Klist paptisvres, maketos, Mak. 1:8. "*Vne mehenwvn uewv es ce paptisvkiyet omes; momis emet Puyvfekev Vcakan es ce paptisvkvres*" makvtes. Hvtvm, hecvv Maro 3:11. Heyvn Cane paptisv naken okat, momet estomet omvranat heren kerkuecet os; mv eme paptisatet Klist paptisvranat sete hopiyat; momet Cane paptisat pu Hesayeev paptisvranat etvpomecetetat kerkuecet. Cane, pu Hesayeev tepakat hokkolvt Vpastelvlke Puyvlekev Vcakat espaptishoyvranaten, es vhecaket, okakvtes.

Opunvkv Paptisv maktv, "*Paptiso*" aenvpkvkat naken okat este kerrat sen heren kerrvketates; momet naken okat oh kerkuecakvtet os; mohmet estomecet es afvstetvtat heren kerkuecakvtes.

Estomecet omakvt haks? Estomen Vpastelvlke Puyvfekev Vcakat es paptishoyvt haks? Puyvfekev Vcakan Vpastelvlkenakpvlathoyvt momat, aksumketvt vhakvt omes; momen omvlkvt aksumece tetayes: momis Puyvfekev Vcakat *a-oh-hotapkv* momat, (oh kvlv, monkat oh fesketv omet,) mvt vhakvt omes; momen omvlkvt momecvke taves.

Hiyomat vhakvn, oh kerkuecv tepakan oh hecvkers; momen este omvlkvt ciyyaket em apohicekvs. Cokv Rakkot naken make haks? Estomen pu Hesayeevt Vpastelvlke Puyvfekev Vcakat es paptisvt haks? Pufek hvmkuset, ehotkv sekon, Puyvfekev Vcakat *a-ohatvpecicvtes*, makeyet os. Heyv kerkusetos.

1. Heceyat Cevs emet oh hiyayicvten heces. Aks 1:5-8 "*Mehenwvn Cane newvn es paptiset omvtes: momis centaketat, nettv sulke hoyvnekon, Puyvfekev Vcakan es ce paptishoyvkvres.*" Aks 1:8. "*Momis Puyvfekev Vcakat ecoh vlakvke min, yekcetu cen heckvkvres.*"

Heyv mopunvkv fvtev heremahet os. "*Certake tat, nettv sulke hoyvnekon, Puyvfekev Vcakan es ce paptis hoyvkvres.*" "*Puyvfekev Vcakat ec oh vlakvke min yekcetu cen heckvkvres.*" *Ec oh hatvkvres.* Heyvt vpohkv estomen uewv es paptisetv to haks,

make ocat estofis evyayices; *este paptis hoyct uewvt oh hvtapket, oh-fesketv, monkat oh-kvletv omet, oh-hotapkatén.*

Heyv, Cesvs paptesvm kicvtet os. Momen Ganeu paptesvm kicvtet os. Momen hiyomen Cesvs enkerrepvlke paptisvtet omat, heceyvres.

2. Luk kerkuecat heyv mome hervtes, momekv Puyvfekev, "*Oh likvtes,*" maket os. Aks 2: 1—4. "Momen Pentekast nettv mahusat orof omvlkv em vkerickv hvmkuset vpokvtes. Momen ayvkhvmkusén hvlwe vtet hotvle pvfne en hake omet mv cuko vpokat omvlkv fvecvtes, momen tulasv eteyakvpe, totkv omet heckaket, *setetayén oh vpokvtes.* Momen omvlkv Puyvfekev Vcakat es fvefaket, Puyvfekev opunaytv emakat acvkayén tulasv etv es opunaytv vliceckvtes." Tokvs, heyv Cane ovalvte, momen Cesvs, pu Hesayecv, nake momvres make kerkuecvte mv em estvlke paptisvres, makvte sohfvckvtes. Puyvfekev "*setetayén ohlikvtes.*" "*Ohhotapkvtes.*"

3. Heyv Coel ovalvtet sohfvckes, Petvt makvtet os. Aks 2: 16—18. "Heyv ovalv Coel opunayvtet omes momen nettv espokof es hoyvrvres, Hesaketvmese makvtes, *Vpesvu omvlkv em puyvfekev oh kvkvres,* raket ayecicvtes." *Heyv Puyvfekev a oh-pvlatkvtes,* momen mv Ovalv em opunvk es oh-facket omvtes.

4. Puyvfekev *oh-pvlatkvtes,* Apastvl Petvt, maket os. Osketis, apvlatkes ma omen okvtes. Hecvs, Aks 2: 32, 33. "Heyv Cesvs, Hesaketvmese akvwapkvte omen omvlkeyat akerrvike toyes. Monkv hvlwe hocvtet, Hesaketvmese em kvvpervn liket, momet *Erke etemfatcat Puyvfekev Vcakat en-hec-ketét, heyv hiyome hece, momet pohatskatén oh-kalvtes.*"

5. Kvnelvse paptiskvten Apastvl Petvt oh onayat hvmmakés, Aks 11: 15—16. "*Momen vlicehcit opunayiyof, Puyvfekev Vcakat, hvtecesku epoh pvlatke ma omet, ohpvlatkavvks. Momof pu Hesayecv em punkv es vkerriciyvks, opunayvte, Mehenvv Cane uevvn es papisvtet os, momis ceme Puyvfekev Vcakan es ce paptishoykvres,*" makvte. Hiyomen Kvnelvse paptiskvtes Apastvl hecov, *Puyvfekev Vcakat oh pvlatket omen hecvtes,* Pentekast nettv Apastvlvle

paptiskakvte omen hecvtes. Momofvn Cesvs opunayvte vker-ricvtes, mv momat paptesvm em vhakv oh kerkuecatet omvtes. Momekv Cane, Cesvs pu Hesayecv tepakat, Paptesvm em vhakv fvtev herat kerken pu mvhaayket omes. Kerkv here mahen pu mvhayekv este vrepusat hoporeneko estomv-tet ehuseko taves. Heyv ofv aksunketv sekot omes; momis oh-feskety fvtevt omes. Puyvfekev Vcakat mv este paptis-hoyan, "oh-hvtapket" omes "Oh-fesketo" "oh kaleto" omet; Puyvf-ekcv "oh likakvtes," "oh polatkvtes," "oh yorecvtes," "oh kvlke," omet.

6. Cesvs Klist em ovalvke eteropotten estomen vlakof este es paptisvranat em onayet uewvn es oh-feskvres, maktves. Hecvs Isea 52: 15. "*Etvlvv sulken oh-feskvres,*" momet, Eseke- vl, 36: 25. "*Momof uewv hrsatkusan ecov feskvkares; momer. ce hasvikakvres.*" Momet Cesvs Klist, em Ovalv, Coel eteropotten nomvn onayat, en Puyvfekev oh-pvlvtrranat makvtes; en kerrepvlke, Pentekast omof paptisat tvlkekot; momis este omvlkv oh pvlvtrranet: Hecvs Coel 2: 28-29. "*Mome oc- res vm Puyvfekev vpesvovomvken oh pvlvtares.*" Momekv esten paptishoyat, newvt oh alkvranet omes; oh-fesketo monkat oh-kvleto omet.

Momekv estofis este estomet, Estomen Cesvs paptesvm es- tomat mehenwetat heren pum onayekat haks? mahkats. Heren pum onayvtet omekv; Opunvkv en-here estomusen oh- hayvyice tetayat soh punayvtet omes: momet, Estomet ete- hoskekare, em mvhayat, em mahusat enkerrepvlken es afv- stety vcakat oh-kerkuecat es paptisvtet omes. Heyv semunta- lat naken pu yace haks? Hiyomet, Hesaketvmese em-punvkv etem vpoket en-hake pohket os; hvmmaket. *Heyv mot ay- ctvts, mv ofen yakvpakes.*

Momkev, Askunketv Cokv-rakko acvkayekat, wihket, pu Hesayecv mvhaye vfastvten em apohicet acvkvpeyvkeres. Emavstetv Hesaketvmese mopnnkv ofv ocat vvakayuset os.

Hiyomusis heren kerkusen espoyekv opunayekv wikeye

tetayes ! Momis estomusen Pu Hesayecv en paptisetv Cokv-Rakko vcakayeton omat, kerkakusan vketecet hecvkeres:—

1. Cane, Klist ehomy ara, Paptisvn kihocet omekv este aksumhocvtes komet, este sulket emettehosket os. Momis mattat tayen emttehoskaket omes. Paptisvn kihocet os, esten paptisvtet omekv : mvt uewv oh-feskety monkat oh-kvletvt, omes, Hesaketvmese hocefkv ofvn.

Oh-feskety paptisvte kerkuset os : Klist eme mahusat Pentekast omof paptisvranvn es a hecvn omvtet ok : momen mvt Puyvfekev oh hvtapket omvtes, oh-feskety, monkat oh-kvletvt omen : hvmmaket. omekv, Mak 1 : 8. “Mehenwusen Vnet uewv es ce paptisvkiyvns, momis Emet (Cesvs) Puyvfekev Vcakan, es ce paptisvkvres.” Hiyomen este cukpe-rakko sulken Cane paptisvtet os; momen Pu Hesayecan paptisvte os, uewv oh-feskety, monkat oh-kalet. Mv hvsse ostvpakuse erkenakat, momvteken aksumhueceko tetayvtes. Este hvmkusis aksumecievtes makat sekot os. Ma omof, estomen paptisvte kerkuse makat sekot os : momis nake oh kerkuece ocat, uewv hvsatkusan oh-feskety omvte heren kerkuecet omes.

2. Cesvs Klist, pu Hesayecv paptisat oh-feskety omhoyvtes. Aksumkylke vyekevke heret aksumket omvtes, makaket os : momis Hesaketvmese em opunvkv makekot os : momen Nakcokv rakko es fvtceetv komakat oraronkot os.

Hecvs, Maro 3 : 13—16. Momof Cesvs Kalvlen atet Cotvnen Canev em alakvtes paptisvren, momis Cane em vsehvtes; Vne min cv paptisetske tayes; momat vnen vm vlaketske haks? kicet. Momen Cesvs em ayoposket, Hiyomat momekvs; hiyomen fvtceetv omvl sohfvceceye tayet omekv, kievtes. Mohmen vkvsanvtes, Momen Cesvs paptiskof lypken uewvn en-kvpaket acemkvtes; momen hecvs sutvt en-haukvtes; momen Hesaketvmese en Puyvfekev, pvcehowe omet hvtapket oh-likem hecvtes.”

Cane hvmmaket etempunayvtet omekv, “Fvtceetv omvlkv esoh fvceceyat omes” kievtes.

(1) Heyv okvtes ovalvke em vhakv en-wiketv sohceyof paptiskaket omvtes, mv Plestvlke, Leftvlke esyomat momvks

kievte omen. Heevs, Eksotvs 29:4. "Momekv Elvne, epucetake mekusypkv enko vhauke ehomvn a-soh-atet, momet uewvn es ohkosetskvres" Hvtvm Nvmpvs 8: 7. "Hiyomen Lefitvlke hvsythicat ometskvres uewv hvstecan oh-feskekv." Heyvt vhakv fvtcetv kicat tates : monkv mvn Klist es oh fvceekv uewvn oh-fesket omvtes, vhakv vcaakayen. (2) Cane etewole hericet kerkuecvtet os, papesvm vhakv e-me vfastvtet omvtes : uewvn es ce paptisvkis makvtes. Momet es en-kerkuecat Pentekast nettv omof Puyvfekev Vcaak este espaptisvranat oh-mellet en-kerkuecavtes, hvmmakes. Mak 1: 8. "Vne mehenwvn uewvn es ce paptisvkiyvns; momis emet (Cesvs) Puyvfekev Vcaak es ce paptiskvres": kicavtes. Matvpomen este sulkat Canet oh-fesket paptisvtes. Heevs, Maro 3: 5, 6. (3) Tohtvlhuehocvte Maro 3: 16. Cesvs paptihosof lypcetv uewvn a ak-kossvtes, make ocat, heren tohtvlhuehocekatet os. Aksumkvke etohtvlhuecvt momet Kasvn cokv kerra, aksumkvke em erkenvkv, momet mucvse oh-havplece ocat vcaakayetv hiyomet omes. "Cesvs paptiskof lypken uewvn enkvpaket acemkvtes." makaket os. Momek uewv akhuervtes, maketv humkuis sekot omes.

Heevs, Aks 8 : 26—39. Momen hokkolvt uetempen akhvtvphokvtes, Felvpe, Yuvke tepakat, momen paptisvtes. Momen uewvn enkvpkahket vcmhohkof Cehofv em Puyvfekev Felvpen sayevvtes." Munt oh-fesket paptiset omhoyvte kerkuecet os. (1) Kerreyat setenwarke lopotskusat (32) ofv Klist onayan hecet omvtesekv. Ma paptisat oh-fesketv, omvranet omen okhoyvtet omekv. "Momof tvlofv sulken oh-feskvres." Munkv momen paptiskvranat tvlkvtes. (2) Yv Papesvm oktahv ofv ekvvn vfastet omhoyvtes. Uewv aksumkvke tayat sekot omvtes, Aks 8 : 26. "Ayetv Celusvlem aosse Kesv ayan mv oktahv ofvn." Erkenvkv Keurek 201 ofvn okat Yusepevs, Celome momet hvte este mv fullvte tis esyomat oh onayaket uekiwv Persolvn tempen ocet omvtes ; mv uewv aosset hopiyecekot ekvvn a sopet omes." makaket os, maks. Yvt mv "uewv estomuse" ocat tvtes. Mv uewvn Felvpe, Yuvke tepakat oh ahoyet omvtes, momen Felvpe heyv uekiwv kvsvmh-

losan Yunvke oh-fesket paptiset omvtes, es owalhoyvte opunvkv hecat etvpomen, "Momof tvlofv sulken oh-feskvrtes." (3) Felype, Yunvke tepakat uewvn ak hytvphokvte estomis, hymket uewv *ellecyn* akceyvtes, makekot os: monkv Cesvs Klist esem ayety vca kayen, Yunvke oh-fesket paptis-hoyvtes.

4. Cuko yekev vheciev, momen en hopuetakuce paptiskvte oh-fesketv tates. Hecvs, Aks 16: 23—34. "Momen tepketv sulken oh lumhica hkof, cuko yekevn vtehakytes, cuko yekev vheciev vca yeevren opunvkv en-wiket, mv opunvkv mome en-hecikof cuko yekev mahhe ofvn vtehytes! 29 Kulken vpohytes, momet letket ecehyet, Pal, Silvs tepakat, ehomvn fekeket er tvk latkvtes; momet awolhuecet, Pucasyvke, naken estomiyat cv hesakvr-hak? kicet. Momen Pucase Cesvs Klist oh akvsamvs; momen ce hesakvres, cen-cuko vtehkylkeu, kicakvtes.....33 "Momen cahwet nere en hvse-vkerkv mata omof rukafhoyan em okkosvtes; momen ayvkvvmkusen eme, momet enake omvlkv paptishoyvtes." Heyv cuko yekev, cuko cvlke ofv ocet omvtes: momen ofv ma-hen este holwiye cvke mahan vteho het omvtes. Momo-sekan homvn, vtehet: momen rehmvn vheciev liket omvtes. Cuko yekev vheciev Pal, Silvs tepakat ofv mahen vtehytes.

Momen ekvnt nekyof erawolhuecet homv ocan es vlatkvtes, vpohkv, nake stomiyat cv hesakvrete? make empohekko munket. Momof mv ofvn, rukafhoyan em okkosvtes; momen ayvkvvmkusen eme, momet enhopuetakuce esyomen paptisakvtes. Momekv estomen Cuko-yekev vfastv momen en hopuetakuce paptishoyvte pum onahoyekot os. momis es kerkv hervke-mahat Cesvs Klist estomen em mvhayet paptisvte vca kayet omvte kerkuecet os, oh-fesket omvtes.

5. Vpostvl Pal paptishoyvte hueren omhoyvtes, monkv oh-feskv tates: Hecvs, Aks 9: 18. "Momat vpaken nak celkv omet eturwv enkvpaket pvlatkvtes; momvn vpakusen renayvtes, momet ahuyiret paptiskvtes." Hvtvm Aks 22: 16. Hiyomat estomen ace-wicetske haks? Ahuervs, momen ce paptishoyekvs." Hiyomen Pal ahuyiret paptiskvtes, munkv hevvt oh-fesketv tate kerkuecuset os.

6. Pentekast nettv omof Vpastelvlke Puyvfekev Veakat espaptiskakvte en nettv eta (3000) cukpe-rakko tutcene paptiskakvte, mau matvpomen oh fesket paptiskaket omvtes. Heevs, Aks 2: 41. Momekv em opunvkv afvckvkvet akvsumakat paptiskakvtes; momen mv nettv puyvfekev cukpe rakko tutcevnvteket soh ahunkvtkvtes."

Heyv Celusvlvme tvlofvn omvtes, momen vksunkvke taye sekot omvtes, Ketlvn hatuce ma omof akvrpepe tates; (Kvco hvse ofv tatetok); "Rafotvlkusen uewv ocet omvtes." Yan, pu kicetonkv.

Celusvlvme, Cusvlke vrvkafta tates; momet uewv omvlkv se afvstvkepytes; monkv Klistvlke en homec hoye fullat em etektvn-nets hoyen; mv uewv veacakat sesteme vfvstepekotayvates. Momen nettv hvnkis orekat Vpastelvlke palen hvnkuntvlakusat este en sulke momvtekat aksumhueceko taytes. Momet eme paptiskakat, Hesaketvmese em Puyvfekev a oh pvlakat omaten, eme este paptisakat aksumhuecet omvtes. komesko taytes. Pu Hesayevv Puyvfekev Veakat es paptisakofvt, paptesvm estometat en kerkuecat omvtes.

Cukpe-rakko tutcevat Pentekast en nettv omof estomen paptihosvte fvtev heren pum onahoyekot os: Momis eskerkv hervke mahat, Cesvs Klist estomen em mvhayet paptisvte veakayen omvte kerkuecet os, oh-fesket omvtes. Es sehonetske-
kut mehenwusen estomahes uewvn akpvlvtaket, aksumhuecakvt nomat hofunusekof, Klist eme mahusat, oh-fesket paptisvtetat: momekv oh fesket, paptisakvtes.

7. Kvnelvse momet en-hessvlke esyome paptiskakvte, oh-feskety tokates komesko tayetos. Heyvt estomecet paptesvm ometvfat fvtev heren kerkuecet os.

Heevs, Aks 10: 44—48. "Petv heyv opunvkv punaye munken, Puyvfekev Veakat punvkv pohakat omvlkv oh latkvtes. Momen akv-samvlke afulotke-tackat, Petv vpake roricat omvlkv em estomahakvtes, Puyvfekev Veakat eme tvlwa-
vketis a oh latken hecakat, Celokhoket Hesaketvmese vtrakuecaken pohaket; momof Petv ayoposkvtes, Estimvt uewv sentveke tetaye haks? Heyv paptiskvkvres Puyvfekev Veakat

pun heckvte etypomen mv enheckakat. Memet Cesvs Klist en-hocekv ofvn paptiskvkvren, Kievtēs.”

Hiyomen Kvnelvse, momet en-hessvlke esyome paptiska-
kvte, oh-feskety tates. Hesaketvmeset Kvnelvse momet en-
hessvlke esyomat Puyvfekev Vcakaten es paptisakvtetis: mo-
men Petvt uewvn oh-feskety es paptisakv-tetis.

8. Momis vksumkvke em en honrkv espoke mahe Lomv-
nvlke 6: 4. ofvn pum oh mellet os: “Munkv elkv oh fvtevn
Cesvs vpaket paptesvm es hopelkeyes.” Heyvt paptesvm es-
tomece ometvn oks aksumkvket pukicaket os: momis heyvton
omat paptesvm estomecet ometvts, maket okeks. Paptesvm
ofvn hopelkeyet omeks: momet uewv ofvn hopelkeyet omeks:
momis elkv oh fvtevn hopelkeyet os, Klist em elkvn. Papte-
svm Cesvs sypaket omes; momet psvtkeyetat, hopelkeyet
omes ekvnv oh fvtev, Klist em elkvn mekusapvlke omvlkv
vfekrakvket os: momet mv oh fvtevn paptiskeyvtet os:
“Momet Klist omaket ekvnv oh fvtev psvtkeyet os: munkv
paptesvm es ekerkeyet os, ekvnv oh fvtev psvtkeyetat.”
munkv “Matvpomen pume hesaketv muevse ofvn ykvvpvke-
ye tetayes.”

Mvnkv ekvnv omvlkv oh fvtev eliyēs.”

Momen ekvnv omvlkv ve oh fvtev eles.

Heyv fvtcetv rakkat Vpas'elvlke pum mvhayvtet os.
Matvpomen pum mvhahoyvtet os. Kollosev 2: 12. “Klist
vpaket paptesvm es hopelkatskes.” Hopelkeyvtēs, maket okeks;
momis hiyomat hopelkes maket os: munkv mekusapv vtekat
Klist vpaket hopelke emunkv-taranet os. Heyv paptesvm es-
tomecet ometvts makety sekot os.

Paptisetv, este hopeletv tepakat ete hakekot os. Cusvlke
este hericat hopelet omekates, mom:s cvto-hauken nvthofv
omvken lumhicet mvk-hottaket omvtes.

Momis Lomvnalke yv-nak cokv oh tothoyvteton omat,
este em pvsatkat hopelykekot omvtes; momis nekrickaket essun
hayaket omvtes; momen Estecate vculvke tateton omat, ekv-
nv- onvpyv oh wvkehcet fakken monkat cvto tis, oh pvladet,
es cekchicaket omvtes—Pume este hericeyat fakken oh py-

6. Pentekast nettv omof Vpastelvlke Puyvfekev Vcaakat espaptiskakvte en nettv eta (3000) cukpe-rakko tutcene paptiskakvte, mau matvpomen oh fesket paptiskaket omvtes. Hecvs, Aks 2: 41. Momekv em opunvkv afvckvket akvsumakat paptiskakvtes : momen mv nettv puyvfekev cukpe rakko tutceenvteket soh ahunkvkvtes.”

Heyv Celusvlvme tvlofvn omvtes, momen vksumkvke taye sekot omvtes, Ketlvn hatuce ma omof akvrpepe tates; (Kvco hvse ofv tatetok); “Rafotvlkusen uewv ocet omvtes.” Yan, pu kicetonkv.

Celusvlvme, Cusvlke vnvkafe tates; momet uewv omvlkv se afvstvkepvtes ; monkv Klistvlke en homec hoye fullat em etektvn-nets hoyen; mv uewv vcaakat sesteme vfvstepekotayvates. Momen nettv hvnkis orekat Vpastelvlke palen hvnkuntvlakusat este en sulke momvtekat aksumhueceko tayvtes. Momet eme paptiskakat, Hesaketvmese em Puyvfekev a oh pvlakat omaten, eme este paptisakat aksumhuecet omvtes, komesko tayvtes. Pu Hesayeev Puyvfekev Vcaakat es paptisakofvt, paptesvm estometat en kerkuecat omvtes.

Cukpe-rakko tutceenat Pentekast en nettv omof estomen paptihosvte fvtev heren pum onahoyekot os: Momis eskerkv hervke mahat, Cesvs Klist estomen em mvhayet paptisvte vcaakayen omvte kerkuecat os, oh-fesket omvtes. Es sehonetsketut mehenwusen estomahes uewvn akpvlvtaket, aksumhuecakvt nomat hofunusekof, Klist eme mahusat, oh-fesket paptisvtetat : momekv oh fesket, paptisakvtes.

7. Kvnelvse momet en-hessvlke esyome paptiskakvte, oh-feskety tokates komesko tayetos. Heyvt estomecet paptesvm ometyvat fvtev heren kerkuecat os.

Hecvs, Aks 10: 44—48. “Petv heyv opunvkv punaye munken, Puyvfekev Vcaakat punvkv pohakat omvlkv oh latkvtes. Momen akv:samvlke afulotke-tackat, Petv vpake roricat omvlkv em estomahakvtes, Puyvfekev Vcaakat eme tvlwa-vlketis a oh latken hecaakat, Celokhoket Hesaketvmese vtrakkuccaken pohaket ; momof Petv ayoposkvtes, Estimvt uewv sentvcke tetaye haks? Heyv paptiskvkvres Puyvfekev Vcaakat

pun heckvte etypomen mv enheckakat. Memet Cesvs Klist en-hoefkv ofvn paptiskvkvren, Kicvtes."

Hiyomen Kvnelvse, momet en-hessvlke esyome paptiska-
kvte, oh-feskety tates. Hesaketvmeset Kvnelvse momet en-
hessvlke esyomat Puyvfekv Vcakaten es paptisakvtetis: mo-
men Petvt uewv oh-feskety es paptisakv-tetis.

8. Momis vksumkvke em en honrkv espoke mahe Lomv-
nvlke 6: 4. ofvn pum oh mellet os: "Munkv elkv oh fvtevn
Cesvs vpaket paptesvm es hopelkeyes." Heyvt paptesvm es-
tomece ometvn oks aksumkvket pukicaket os: momis heyvton
omat paptesvm estomecet ometvts, maket okeks. Paptesvm
ofvn hopelkeyet omeks: momet uewv ofvn hopelkeyet omeks:
momis elkv oh fvtevn hopelkeyet os, Klist em elkv. Papte-
svm Cesvs vpaket omes; momet psvtkeyetut, hopelkeyet
omes ekvnv oh fvtev, Klist em elkv mekusapvlke omvlkv
vfekrakvket os: momet mv oh fvtevn paptiskeyvtet os:
"Momet Klist omaket ekvnv oh fvtev psvtkeyet os: munkv
paptesvm es ekerkeyet os, ekvnv oh fvtev psvtkeyetat."
munkv "Matvpomen pume hesaketv muevse ofvn ykvvpvke-
ye tetayes."

Mvnkv ekvnv omvlkv oh fvtev eliyes."

Momen ekvnv omvlkv ve oh fvtev eles.

Heyv fvtevtv rakkat Vpas'elvlke pum mvhayvtet os.
Matvpomen pum mvhahoyvtet os. Kollosev 2: 12. "Klist
vpaket paptesvm es hopelkatskes." Hopelkeyvtes, maket okeks;
momis hiyomat hopelkes maket os: munkv mekusapv vtekat
Klist vpaket hopelke emunkv-taranet os. Heyv paptesvm es-
tomecet ometvts makety sekot os.

Paptisetv, este hopeletv tepakat ete hakekot os. Cusvlke
este hericat hopeletv omekates, momis cvto-hauken nvthofv
omvken lumhiket mvk-hottaket omvtes.

Momis Lomvnalke yv-nak cokv oh tothoyvteton omat,
este em pvsatkat hopelykekot omvtes; momis nekricaket essun
hayaket omvtes; momen Estecate vculvke tateton omat, ekv-
nv- onvpyv oh wvkehcet fakken monkat cvto tis, oh pvladet,
es cekcehicaket omvtes—Pume este hericeyat fakken oh py-

lateyet omes. Munkv uewvn oh-feskety, oh pvlately tvlku-set fvtetv heret omvtes.

9. Enhvtceeskv paptesvm oh onkv heceyat Cusvlke uehvtkv-cate tiyeetve omofvn opunavecat oces, Eksotvs 14 : 29. "Eslevlke ekvnn kvrrpan oh yvkvpakvtes uehvtkv em ofvn; momen uewv akvperv, momet akvskvnn cvnna-cakvtes." momen hecvs 1 Kvlenrvlke 10: 1, 2. "Purkvlke omvlkvvt vholo- ce, ellecnn fullvtes, momen uehvtkvnn eteropottecvtes: mo- met omvlkvvt vholo- ce, uehvtkv tepakat ofvn Mose oh fvtetv paptiskakvtes."

Heyv oh fesketytate kerkuset os: momen paptesvm esto- mabe es hoyanvten heces; este em vhunkvtkv cukpe vcule hokkolat mahe (2,000,000) hunvntake, hokvke, momet hopue- takuce, svpvket, aholocet uewvn oh feskety paptiskakvt tis. Hiyomen uewv hvsatkuse hvlwe ahvtapke oh feskety omvtes; momen hiyomen omvlkvvt paptiskaket omvtes.

10. Escohoyvt ocat rvne Holef vnkv Mose vfastvtet os, vhkv emhoyof, hecvs Eksotvs 24: 7, 8., momen Heplvs 9: 19. "Mose vhkv vtekat nak cokv-rakko vcakaye este omvl sem punaye popof wakuvlke, momet cowatv ecavt esyomen, mo- men uewvn, vvpelikesse caten momet tupokhocen esyomen, cvhwet nak cokvnn momet este omvlkvnn es oh-feskvtes."

Heyv este sulke mahe, Cukpe vcule hokkolat, hunvntake, hokvke momet hopuetakuce esyomet, Hesaketvmese enake hakvtetis; momen oh-feskety paptisboyvtetis.

Hiyomat Hesaketvmese em opunkv Paptesvm opunaye- cet Cesvs Klist en-kerrepvlke paptisvten etem vpiyecuset omes; Momen aksumketv espaptihosvte hvmkuis sepekot omes.

Momek paptisetv Cokv Rakko vcakayeko aksumecickv ocat fekhunnkvs; momen Pu Hesayecv vfa- ste em mvhavyten acvkpe-yvkeres; oh-feskety paptisetv uewv hvsatkuse eme oh-feskvtet omekv.

Cesvs Klist em opunkv etvlwv omvlkvnn, "Paptiskvks." Oh-feskety paptisetv tulkuset fvtetvton, mvn Hesaketvmese mellet omvten fvtocet omes,

Cesvs Klist em estvlke etem fateat, "Uewv hvsatkusan ecoh feskvkares: momen ce hvsatkvkvres." Makvtes.

Heyv en kerrepvlke, momet erkenkvvlke es momecén hiyomat oretos.

Heyv hiyomecet os ekvv omvlkvv eteropotten momet heyv iyomecet emunket tvlwavlke uewv momet en Payvfekev veakat es paptise emunken, tvlwavlke omvkvv em opunkv pohvres: Momen Isea Owavte Sohfvkvres: "Etlwv sulken, oh-feskvres." Isea 52 : 15. "Momof uewv hvsatkusan e coh feskvkares; momen ce hasvthkvres." Esek. 36 : 23.

Heyv mot ayetets, mv ofon yvkvvkes."



Hopuetakuce × Baptistev.

INFANT BAPTISM.

BY
REV. R. M. LOUGHRIDGE, A. M.

REV. DAVID W. WINSLETT,
AND
MR. J. H. LAND, INTERPRETERS.

MUSKOGEE, I. T.:
BY THE INDIAN JOURNAL STEAM JOB OFFICE.
1885.

HOPUETAKUCE PAPTISETV.

Tokvs oh fesketyt papesvm estomece omety makat fytet ton cem onayepoyis; hiyomat akvsmyvlke enhopuetakuce paptisetv oh fytet yekcetv estomen ocijat cen kerkuuecvanis.

Heyv es fytceekv sulke heret es : Momet hiyayakuset : munkv mekusapvlke omvlkv-ranuset akvsymaket afvstaken, Klist arvte vteke momet hiyomat vlakuecet os. Hesaketvmese em punykv tvlkuset heyv vhakv oh fytet pun yekcet omes.

Nak-cokv Rakko naken maket ome haks?

1. Hesaketvmese Mekusvpyk-Cuko yymv ekvn oh vliceef, akvsmyvlke en hopuetakuce mekusvpyk-cuko soh ceyvranen vhakv hayvtes; momen heyv vhakv etievte sekot os; monkv en yekce tate emunkvt omes.

Heevs Ceneses 17; 3-12: "Momen Eplyme turofvn oh latkytes; momen Hesaketvmese etem punayvtes, hvmmaket, Heevs temfvtcetv cvnake ecepakes; momen tvlwavlke sulken erke toyetskvres.

.....Heyvt setemfvtcetv cvnakets vcayetskvres myn pum etenrawvn momen cemen cen honvpsen; *hopuevuce hvnmoo cepake vtekat fulotke tvckvres. Momen mot vne ceme tepake es etemfvtcetv hayiyat kerkuuec-ares.*"

Hvtvm Lomvnyvlke 4 : 11. "Momen ful otke-tvceetv kerkuuecet en heckvtes, mv akvsmykv em fvtcetv ocat kerkuuece hvte, fulotke-tvckekat mv akvsymakof, omvl erketaret, fulotke-tvckeko estomis mau fvtcetv en heckvkvren." Hvtvm Kalese- vlke 3 : 7, 8. "Monkv, kerratskes, my akvsmykv vhakat ma tv- wvt Eplehyme en hopuetakuecet omes. Momen Hesaketvmese tvlwavlke akvsmykv eteropotten fytetvken hayvranen nak-cokvt

en homv hecat ehomv opunvkv-herv Eplehvme es em erkerv-kytes, ecofvn tvlwavlke omvlkv't oh merrvkv'tet omvres" maket. Heyv hopuetakuce mekusv'pky-cuko sece huec'vraneyat eten fv'teetv h'akvte etvlwv omvlkv es vrahkv't omet ! momekv em vrahkv-ranekot emunket omat hecey'et os.

2. He-akety'mese mekusv'pky cuko hv'mke sen hoyanat oce-kates, yvmv ekv'v; momet mv Eplehvme e etemfv'teet vlice-et omvtes.

Estome mekusv'phoyvte em vrahkuehoevte sulkes; momis em mekusv'pky-cuko emunkuset os. Hecvs, Efesev'lke 4 : 4—6. "Ena, (mekusv'pky cuko) hv'mken, momet puyv'fekev hv'mket os; cen huehokv'kat en nonrvkv hv'mkuse ofv cen huehokvte etvpomen. Pucase hv'mken, akv'sv'mkv hv'mken, paptesv'm hv'mken, Omvlkv Erke, momet Hesakety'mese hv'mket, omvlkv sen hvlwe, omvlkv steropotte, momet omvlkatskat ofvts."

Hvtvm, Cesvs em opunvkv svhopakv ofv'n emekusv'pky cuko emunkusat pum mvhayet os. Nake etis sen hoyanen heyv v'hakv kerku'ecet os. Hecvs Maro 21 : 43. "Hesakety-mese em ohmekketv ce kunvhet, tvlwv etv'n em hoyvres, emete es yicakan."

Heyv Cusvlke sem punayet okv'tes, momen hiyomat em punvkv es fv'cketon heces. Mekusv'pky muevse vlice'ekv'tes; momis mv vlice'ce ocv'ten Cusvlke em ehset tvlwavlke emv'tes. Em punvkv svhopakv ofv omvlkvranusen heyv kerku'ecet os.

Matvpomen, Vpastel Pal ollef etun svhopayet pum mvhayet os, Hecvs Lomvuv'lke 11 : 17, 18. "Eiv'tee akv'ceke sasen cemet ollefe eto semvnole toyetskat ayoposket oh piketsken omat, momet e yvlunkv, momet en nehe cen hecken omat : elvtcen em ekvsahmetskvs."

Heyv mekusv'pky cuko mvt matats akvsahmvlke vtekat, Cusv'k'ketut momet tvlwavlketis omvl hv'ivtet os ; mvt emnken ekv'v em yuksv orvranet os : temfv'teetv yuksv-seko ofv'n Eplehvme svlice'v'tes.

Vhakv hopuetakuce mekusv'pky cuko soh-ceyice ocat eti hoevte sahsekos : monkv en yekce, e munkuset os : momen

erkenkvilke vtekat vfvstvrana tvlkuset os. Ekv feketv vhakv etskvlke momet hopuetakuce svpayet omvtes; momet em vrahkuhocekon Mvskokvlke yvmv hvse aklatkv fvtetv aconec- ket omvtes: monkv este heren vkerricet os; mv vhakv emun- kvts komat.

Momen este estomen mvrakv vkerrihcekos.

Vhakv mucvse este yaceko tayvtes.

Matvpomen vhakv mucvse hopuetakuce ohfvtetv este ya- ceke tayvtes, vhakv etihocetoknv. Moman estimvt Hesake- tmese em vhakv etice taye-haks? Hesaketvmese eticekof, mome vkerrickv holwiyeckvt os, Hesaketvmese vnraptetv os.

“Vpehyet tvlofv omvlkvn evpvke hayvks.”

3. Eslevlke Hesaketvmese em mekusapvlke Ecepse ofv svlvke vpokvte sossihocce uehvtkv-cate kicetv, ekvny svkpe tehoyvnevte omof, omhoyvtes, hunvntake, hokvtke, momet hopuetakuce svpakat, cukpe veule hokkolen, momet omvlkvt paptiskakvtes. Hecvs, 1 Kol. 10: 1, 2. “Tecakkeyvte to- yatskat, mv purkvlke omvl estome vholooc ellectv fullvte, mo- met omvl uehvtkv etehoyvnevte, momet omvlkvt Mose oh- fytev vholooc momet uehvtkv espaptiskakvte; kerreko fullae- kvre komvkos.” Heyv Cukpe-rakko, cukpe epakat mahet ho- puetakuce tates, momen vholocet uewvn oh-feshoken paptis- kakvtes.

4. Hopuetakuce paptisetv opunayece es cohoyvte ocat rvne Holep vnakvn em hoyvte Hesaketvmese mekusapvlke nake etem fatcot, Hecvs, Heplus 9: 19, 20. “Mose vhakv vte- kat Nakcokv-Rakko acvkaye este omvl sem punapoyof wa- kuce momet cowatv e catvn, momet uewvn momet yvpfikesse caten; momet topokhoce esyomen canwet, nakcokvn momet este omvlkvn es oh feskvtes; maket, Heyvt setemfvtcetv eca- tvts, mvn Hesaketvmese ce kiekvttet os.”

Heyvt paptesvm cahmelike make erkenkvilke Pal opunaye- cetetv omes. Ma omof hopuetakuce cukpe rakko sulket etsk- vlke apkvketv hiyomen o'f-fesket, paptiskakvtes.

Heyvt, hopuetakuce paptishovvranet omat kerkuccetv os: momen oh-fesketv fvtetv omat kerkuccetv omes.

5. Letea, en hopuetakuce esyome paptishoyvte, Heevs Aks 16 : 14, 15. "Hokte hvmket Letea hocefket Riyetiiv tylofv a osset nak okeate wiyvt Hesaketvmese em mekusapvt, pum apohievks; efeke Cehofvt em enhauween: Pal nake punayecat em apohievks.

Momen en cuko vtehkvlke svpvet paptiskakof, Cehofv oh fvtcv akvsyme hers cv komatsken omat, vn cuko es ceyet vpokvks; pu kievnks; momet poh yekievks."

Heyv Letea tvlkuset akvsamvte kerkuecet os; momis en hopuetakuce paptishoyvtetis. Letea tvlkusen, "Efeke Cehofvt em en hauweet omvtes," Letea tvlkuset, "Pal nake punayecat em apohieet omvtes;" momen "Cehofv oh fvtcv akvsyme hers cv komatsken omat, vn cuko es ceyet vpokvks," makvtes.

Momis Letea paptiskof en hopuetakuceu paptiskavtes. Hopuetakuce taranat tvlkvtes; munkon omat, Hesaketvmese em punvkv vnrvpetonkv; momen mekusvpkv-cuko sem vha-kvn este veulvkehpe etskvkke akvsamat svrahkv paptisetv vnrvpetos.

6. Cesvs Klist vlakof, hopuetakuce mekusvpkv cuko, soh ceyicetv vha kv oevte oh akvsamvtes; momen hiyomen yekievtes. Heyv momecat hopuetakuce em merrvre asso hauhoye enkerrepvlke em vnttecake em vsehake omof, omvtes.

Heevs, Luk 18 : 15, 16. "Momen hopuetakuce asohavtes, celayvren: momis en kerrepvlket hecakof em vsehavtes. Momis Cesvs en huehkvkepvtes. Momet Hopuetakuce vcohawepekys: momet em vntteheatskvs; mv omakat Hesaketvmese em oh mekketv omekv." Heyvt hvvm vpohetv ocat fvtcecet os. Hesaketvmese em oh mekketv makat mekusvpkv cukon okvtet omen kerkuecet es. Monkv kerkusen pu mvhayat hopuetakuce mekusvpkv-cuko apkvkke taranen oket os.

Mekusvpkv-cuko soh ceyet os, pukicet okvtes, monkv paptiskvkranetos.

Paptesvm eteropotten mekusvpkv-cuko vpvkvkke es kerhoyvranet omekv.

Mekusvpkv cuko tvlwavlke vpvke bakat en hopuetakuce

paptisakvtes. Momen hiyomen pu Hesayeev heyv nak afvstetv em momeeicet afvstakvrnanen em vhayaket omvtes.

7. Hvtvm Cuko-yekev vheeicv, momet en hopuetakuce esyome paptiskakvtet. Heevs, Aks 16: 30—34. “Momet awolhuecet, Pucasyvke naken estomiyat ev hesakvr-haks? kicet. Momen Pucase Ce: vs Klist oh akvsamvs: momen ca hesakvres, een cuko vtehkvlken, kicakvtes.” “Momen cahwet nere en hvse-vkerkv mata omof rukafhoyan em okkosvtes; momen ayykhvmkusen eme, momet enake omvlkvn paptishoyvtes” Momen ehvpahyet en cuko es ceeytes, en kvlehpof Hesaketvmese oh akvsamet, vfackvtes en cuko vtehkvlke omvlkvn vpaket.”

Heyv vtehke hvmkat etvt omvl paptiskakvtes, heces: Momis cuko-yekev-vheeicv tvlkuset akvsamvtet ont omisem. Eme tvlkuset akvsamvtes; momis eme momet en hopuetakuce somvlkvt paptiskakvtes. Momekv en-hopuetakuce mvnettvtket tatetat, kerket omes.

8. Cesvs Klist enkerrepvlke tvlwavlke evpvke hayvranat em wiketv hayvte mvt fvteeet os. Maro 28: 19, 20. “Apehyet tvlww omvlkvn evpvke hayvks, Erke, Eppuce, Puyvfekev Veakat hocefkv ofvn paptiset; naketo estomis ce kievkiyvte omvlkvn, vketecetv em mvhayet; momen heevs estofis ecepa-kvkis ekvvn yuksv vteken, Cesvs kievtes.”

Omvkvt heyv opunvkv en kerrepvlke hayet munkat evpvke hayvranan oket os; komet akvsvmhoyes. Tokvs hiyome heyv nak afvstetv en kerkakuset omvtes-

Cusvlke, Ecepse tvlofv sossof, Ecepsvlke sulket vpvkavte vpaket, hunvntake, hoktvke, memet hopuetakuce svpvket mv omof paptiskakvtes. Mv en yupv heyv opunvkv wihoyvte vtekit mekusvkv-cuko tvlwavlke evpvke hayet emunkvt os.

Este sulket hiyomen rekusvkv-cuko soh vhunkvtket omvtes; momet cuko vtehkvlke omvlkvt, soh ceeyet omvten kerkuces. Monkv hopuetakuce etskvke vpvke paptiskakvtes. Hiyomen pu Hesayeev en kerrepvlke em wiketv hayat omvtes. Ekvvn tvlwavlke oh sasat em ofvn, heyv nak afvstetv em-momeeicet afvstvkvtes kievtes.

Nak etihocvte ena yuksv en tveetv tulkusen ossihocvтет os.

“Monkv vpehyet tvlww omvlkv evpvke hayvks,” paptiset, momen em mvhayet.

Munkv nak rakke, momen eticet hopuetakucen wike-tokon omat, es kerretv, yekce heret ocvranvtes.

Momis hopuetakuce mekusvpkv cuko em ak-hotketon sv-nvcomvu paptiskahkekos, kieekates: momis vnrypeen maks, “Hopuetakuce awepekvsv, momet em vnvtecatskvs: mv omvket Hesaketvmese em oh-mekketv” omekv. Luk 18: 16.

Heyv mekusvpkv cukon oket os, Cesvs maket oh hiyayivtes.

Monkv akvsamvlke en hopuetakuce paptiskakvranet omes.

9. Hvtvm Cesvs Klist, hopuetakuce mekusvpkv-cuko soh ceycietv vhakv ocvte em vherieytes, hopuewuce eme ehocefkv ofv evpayetv opunayeevte, omof. Luk 9: 48. “Estimvto esto-met heyv hopuewuce cv hoccfkv ofv evpayen omat, vnen cv vpayet os.”

Etomen hopuetakuce mekusvpkv-cuko soh cejihocet ohaks? Cesvs Klist ehoccfkv ofv, paptesvm ofv tulkuset os: em vrahkv sekot os, momis paptisvkekat evpayake sekot omes. Paptesvm teropotte tvlkusen hopuetakuce mekusvpkv-cuko sohceeyet os. Munkv paptiskvkranet os.

Monkv hopuetakuce em akhotiyatskvs.

10. Hvtvm, heevs 1 Kvl. 7: 14. “Hunvwwv akvsvmekat ehiww eteropotten veake haken; hokte akvsvmekat ehe-eteropotten veake haket os; munkon omat, cen hopuetake vcaevkekvnt os; momis hiyomat vcaevket os.” Hiyomen etskvlke hvmet akvsamvton omat hopuetakuce hasvthvkes; mv momat mekusvpkv cuko soh ceye taye em etektvntet os. Etskvlke hokko!vt akvsamvlketo etvpomen.

Hiyomen akvsamvlke en hopuetakuce hasvthvke kihocet omes: munkv paptesvm ofvn Hesaketvmesen em wihoket omes.

Apastelvlke hiyomen cuko vtehkvlke omvlkvn paptiset omvtes.

Heevs 1 Kvl. 1: 16. “Matvpomen Stefano en cuko vtehkvlkeu paptisivyts.” Pal kievtes.

Hiyomen Apastelvlke etsykvlke em akvsvmkv ofv hopuetakuce, paptisakvte, heces.

11. Pentekast, nettv omofv este cukpe-rakko tutcene paptiskakvte omof hopuetakuce sulket vpkvtes komvket os.

Petv omvl paptiskvks kicof hopuetakuce svpvke setemfvtchoyvte em opunayecvtet omekv: Heecs, Aks 2: 38, 39. "Momof, Petvt, Cem vkeniekv etiecvks; momet omvlkv paptiskvks Cesvs Klist en hocefkv ofvn, naorketv enkvpvketv vrahkv, momen Puyvfekev Veakat emetv cen heckkvres. Temfvtcetv cemetake, momet cen hopuetakuce, momet este hopiye vpokat-tis, enakets."

Hiyomen Apastelvlke opunvkv herv es erkenvketv vliceakof etat hopuetakuce, mekusvpkv cuko vpakvrane Eplehame setemfvtchoyvte kerkuecakovtes. Owalvlke eteropotten esvpenoyet emunken esfckvranet omvtes.

"Temfvtcetv cemetake, momet cen hopuetakuce enaket."

Hiyomen Nakcokv-rakko vculat momet muevse tepakat eskerkv etohkalet hopuetakuce paptisetv Hesaketvmese melvtet omet, kerkuecet os.

12. Oh-feskvke, Waltensvlke kicetv, em mekusvpkv cukot hiyomat hueret os, mvt akerrv hesaketos, hopuetakuce paptisetv Hesaketvmese en yekce aenkvpvketat.

Heyv hofunvlke fvtcetv a oh kerrvlke opunahoyat Lomvnlke em mekusvpkv-cuko vpvkeyvte sekot os: momis Apastelvlke aenkvpvkeyvtes; makaket omes. Momen en nakcokv veule-mahat hiyome hlvttakat estofis, momen hlvttaket omvtes; momet en hopuetakuce paptiskakvranet omen; momet oh fesketvt omen kerkuecet os. Heecs Perrin 28—295. Hvtvm, heecs, Lecet, Linv momet Pop Selfestv.

Munkv heyvt Oh-feskvke elvtee here mahat huere emuvkv os; momet sem vlvkv, monet akvsvmkv hlvttet os; momet mv a eteropottet Apastelvlke a enkvpvkvte: Momet hopuetakuce paptisvkepet omet Apastelvlke fullvte vteken, momet sawepeyvte omes.

Heyv Oh-feskvke hiyomat Ettvle tvlofv vpokes.

13. Munkv "Yv nake vpohetv omvlkv espoke heevkeres:

Hesaketymese em penkvlyket, em vlahv vcaeyevks.

Nake Hesaketymese melleste este et.cet vnrakpats; momet em arahkuecats.

Hesaketymese, mekusvpyk vuko yv ekvny vliceof, etem-fytectv em eyuky seko hopuetakuce vpake taranen omvtes.

Mv vlahv eticekotos, munkv en yekee emunkvt os. Momen Cesvs yvny ekvny oh sarof, mv vlahv oh fytcv mahusat semv hericvtes; Mek usvpyk-vuko estofis mv vlahv heret os, komvket omvtes.

Momen Hesaketymese em mekusapvlke Eeepse ofv sossi-hohcof hopuetakuce Cukpe rakko cukpe epakat mahet oh-fesket, pap'iskakvtes.

Cesvs Klist vlakof en kerrepvlke tvlwavlke evpake hayvraen vtotvtes. Hesaketymese em punkv, momet mekusvpyk vuko oh onkv, kerkuecat akvsamvlke en hopuetakuce paptisaket, momet mekusvpyk vuko soh ceycet omvtes.

Munkv cen hopuetakuce Cesvs asoh hawepvks. Hesaketymese emvks, paptesvm ofvn.

"Etem fytectv ecoh fytctv'kets, momen cen hopuetakuceu."

"Hopuetakuce veoh awepekvs; momet em vvvttelcatskvs." Cesvs maken pohvks, momen momecvks.

